

四庫全書

集部

欽定四庫全書

懷麓堂集卷十四

明 李東陽 撰

詩藁十四

七言律詩

元日早朝

萬仗攢空簇綵旂
香聞人語隔香烟
城頭日共雞聲起
天上春隨斗柄旋
荒服五圖皆禹貢
華封三祝更堯年

侍臣獨立瞻華蓋長記分班黼座前

賀歲次韻若虛秋官

撲面塵多眼亂花春來心事劇如麻
九衢路塞車馬集七貴門深雲霧遮
長怪僕夫遺刺字每勞閭吏指鄰家
長安舊俗年年在又是晨雞與暮鴉

元夕和若虛韻

十里樓臺月色邊御河東畔闕西偏
杯盤入市多新俗兒女看春憶少年
紫陌塵香千騎合玉堂官冷一燈懸

江南風物君休戀自有宮柑八袖傳

聞王仁輔買魚瓶俗所謂泡燈者賦此嘲之

買得長安市上春玉壺清水貯金鱗却看塵土疑無地
未掣波濤亦有神眼底功名聊比幻杖頭風月且教貧
西堂燈火元宵夜又向東風作旅人

仁輔遺鶴燈若虛有詩因次韻

不逐颺車與電輪偶來飛遶帝城春塵埃誤落空中影
烟霧虛疑夢裏身千歲有丹應化骨九臯無唳亦驚人

于公舊價休勞送自有山翁為卜鄰

仁輔魚瓶遂壞意甚不釋疊前韻慰之

白髮華燈一夜春江南江北兩窮鱗飛騰有地歸塵土
訶護無錢役鬼神物以泡名終合盡家隨身在更何貧
清詩素壁猶堪玩休羨揚州鶴上人

李貫道學士輓詩

青霄健翼幾徊翔蜀水燕山道路長司馬舊遊題柱晚
子瞻新命攬衣忙亦知機巧非公事可獨文章與命妨

南省北扉燈火夜向來清話正難忘

送羅大理大常擢廣東僉憲

目極蒼梧嶺外雲
大江南下海西濱
殊方貢賦諸夷接
十郡山川五嶺分
漢尉官高驄馬出
楚鄉家近雁書聞
即看萬里澄清地
野虎城豺浪作羣

西湖草亭詩

淮陽城外西湖好
漫說杭州更潁州
雲裏亂山堆寺出
雨餘春水入田流
官閒了却坡翁事
家在無煩范蠡舟

詩卷畫圖遊子意幾回春夢遶芳洲

方石將謁陵愧齋席上贈別一首

百里郊原眺望通又騎羸馬逐溪風官清屢伴詞林幕

方石嘗與馮孔目同地僻休過泮水宮

昌平學有翰啼林行館今廢

鳥落花春早晚亂山殘雪路西東因君却憶中元事

予與愧齋同往

何限高情笑語中

送尚書黃公之南京戶部

早聽仙履下星辰帝遣南曹屬重臣財賦國須根本地

衣冠公是老成人雲連闕角千山起日暖江頭萬樹春
應向栢臺逢舊吏更多魚鳥避行塵

陳玉汝得孫歸功瓜祝用舊韻賀之

祝子生孫喜更賒始知為徙勝為瓜擬分座上金錢滿
來看風前玉樹斜詩學早傳韋孟業德星偏聚大丘家
佳期忽與春爭到正及雷鳴二月茶

林亨大脩撰得第四男用舊韻賀之

莫謂三山道路賒

亨大三人

人間仙果不論瓜筵前會客

犀錢散醉裏題詩蠟炬斜三鳳豈須誇薛氏八龍今已
半荀家他時細說熊羆夢夜榻留連到幾茶

三月六日曰川宅賞接杏綠萼梅限韻

三月長安見此花東君猶戀北人家清香有月還疑暗
老態無風也自斜縱飲不辭杯盡白苦吟應直鬢雙華
青枝綠萼依然在憑語詩人莫誤誇

環翠軒

幽人舊住秣陵莊石徑巖扉閤草堂空霧濕衣春冉冉

野禽啼樹月蒼蒼老於江海遨遊倦間覺山林興味長
莫向東華更東去馬頭塵土又斜陽

送趙良輔知宿松

銀臺門下見銅章前後清朝共寵光意氣古稱燕慷慨
科名今此漢賢良山多黍稌知秋熟縣有絃歌愛日長
十五年前同輩少杏花陰裏憶升堂

陸叅政孟昭輓詩

高才耻作書生酸開口論事如翻瀾直遣胷中九雲夢

從教世上一邯鄲清風庭館賓客散

陸有清風館

落月屋梁

魂夢寒我亦生平舊青眼詩成不見但長歎

送汪祀丞歸鳳陽

園陵分祀職清專況是名家一姓聯祖似王陵元有母

官如茅氏總登仙

汪二兄一為指揮一為奉祀

山川地識蛟龍氣雨

露恩深草木年沛上小兒今白髮當時歌曲可能傳

原博席上用擊鼓催花令戲成一詩

擊鼓當筵四座驚花枝絡繹往來輕鼓翻急雨山頭脚

花開狂蜂葉底聲上苑枯榮原有數東君去住本無情
未誇刻燭多才思一遍須教八韻成

息菴

嵯縣王陽
仲壽藏

掃開蒼翠鑿孱顏自作堂封更堵環頗似王樵為繭室
不勞齊景泣牛山悟來物理誰稱達脫盡天羈始是閒
記取平生行樂地寧論地下與人間

送陳昌舉會試畢還無錫

春風得意早還家不待長安滿路花已覺青袍同畫錦

却看銀漢有星槎
江湖廊廟皆心事
城市山林且歲華
珍重平生治安策
漢庭須召賈長沙

送徐生下第歸

誤落多才與世譏
暫將幽寂掩光輝
草玄亭上侯芭在
亭父門人也
白壁山中卞氏歸
江雁過雲寒雨暝渚
花飛雪

晚風稀庭闈別有三公養
未必華簪勝彩衣

次韻答若虛秋官聞恤刑詔有作

西曹忽枉恤刑詩
我在閒官亦自疑
正恐災祥非獨致

敢言繁簡不同司心中自許神明鑒筆底真看造化移
今日治安還有象賈生癡淚莫深垂

送太倉俞良臣之安州學

青山騎馬入安州回首京華是舊遊
豈謂功名非適意漫將詩酒坐消憂
渚芹香濕還經雨岩桂花遲總待秋
借問婁江今幾派祇應同向海東流

次韻答攸縣陳翁鉞

十年衡嶽雁書遲縱有高懷說向誰
花下一壺狂李白

江頭三弄老桓伊清風坐裏時生腋黃色歸時正滿看
尊俎肯留今日燕為君重詠白駒詩

送吳江陳知縣

曾踏長橋望太湖至今魂夢繞東吳波濤歲久魚龍化
雲霧天空島嶼孤千里風塵長送客幾人冠蓋此分符
賢勞未有登臨興不道官閒一事無

雷

黑雲驅物忽城東萬雷飛來勢繞空和氣不成三日雨

威稜兼助一番風
山中蜥蜴真成祟
海底蛟龍誤奏功
久旱不堪逢此厄
幾時禾黍報年豐

次韻楊應寧久旱三首

三復來詩百感侵
寂寥雲漢有遺音
終風漫挾揚沙勢
畢宿空懷好雨心
坐待庭苔封蟻蛭
夢驚潭樹作龍吟
原田已恨冬無雪
更入新年恐不禁

萬里長空晦復明
夜牕推枕晝還驚
真堪夏日流金石
不見天河洗甲兵
耕穫有期空盡力
流離無地可聊生

綠衣年少誰言事已識君王駐輦情

驕陽五月漸生陰病渴人方起上林周稼有風還自熟
商郊雖旱豈妨霖貧增賈客時時價苦盡農家粒粒心
杜甫不勝憂國願向來真與海波深

送陳翁歸攸用前韻一首

衡門門下好棲遲此意悠悠欲語誰風靜漁歌聞款乃
夜涼書館聽晤吟涑川二老皆黃髮馬氏諸郎總白眉
却憶賦詩相贈地不應相送更無詩

送蕭履菴之鎮寧二首

郡佐初傳給舍名尚疑朝報未分明方驚作客天涯地
况是思君病裏情暫喜山川經野甸若為風雨住江城
春明門外陽關路細數郵籤第一程

杯酒平生幾故人送君南去獨傷神冰霜不改孤臣操
天地能容萬里身未論華戎風俗異直教夷險路頭真
東風合是無私物瘴草蠻花也有春

送履菴子鳴鳳侍父南行次韻

爾家門第足清風十載交遊父子同
辯論有才驚阮籍
吹噓無力送揚雄
山橋樹老還多節
林桂花開未滿叢
應有宦遊兼色養
旅情鄉思一時空

觀仁輔林黃門宅看蓮詩戲次其韻

林舊為
庶吉士

老去愁多祇為花不堪風雨更泥沙
買栽自笑貧無地
臥看誰憐醉是家
江上路遙隨夢到
袖中詩好向人誇
詞林舊侶風流在
許贈繁香壓帽紗

次邵東曹借屋詩韻

宦路無心定卜居又從官邸駐行車園花不礙東鄰蝶
御水潛通內苑魚白石生雲當戶滿綠苔經雨上垣初
辛勤合似韓京兆十五年來未有廬

次韻秦武昌見遺之作

使君清鑒徹秋毫誤識山雞比鳳毛閉戶吟鶯慚我拙
入門下馬讓公豪文章竟作雕蟲技歲月能消繼晷膏
見說詩壇高數仞空將目力送劉曹

邵東曹墮馬傷足次武昌韻

十年雙足躡詞場我亦憐君墜後傷歷塊敢誇千里俊
乘船却笑四明狂扶顛老僕空隨路學仆嬌兒更倚堂
應似崔家亭下鷺獨當秋雨向寒塘

寄潘興化先生次韻二首

分曹去後抗章前六載塵途事惘然忙裏簿書無暇日
老來林壑有深緣清風盡掃淫祠籍遺法猶存廢寺田
略試平生經濟手聲名已許郡人傳

髻中曾趨組綬前重來公已鬢蒼然風塵望隔還山路

杖屨慚無學道緣遂有冥鴻歸碧落舊聞仙鶴產青田
明時未合逃名盡不惜文章與世傳

廷韶文敬聯句見寄疊前韻一首

日長秋館罷抽毫自在閒庭落塵毛忽有詞章傳二妙
敢將名姓託三豪心清乍可鳴金鏑肺病何因漱玉膏
身欲奮飛無羽翰始知塵路隔仙曹

鷓鴣林書巢疊諸君韻二首

小結書林數尺巢閒將露翼倚烟梢居寧擇地心常樂

力不凌雲世所嘲，賀厦漫勞飛燕雀。
綴枝聊可藉孤匏，周靈魯瑞非吾事。
休說鷄門與鳳郊。

幽棲無意託聲名，小榜軒居亦近情。
四海於身皆俯仰，一枝隨分且飛鳴。
山林舊侶心猶在，風雨中宵夢不驚。
讀罷莊生齊物論，始知天地有鵬程。

寄都憲桂陽朱公二首

帝命臺臣鎮五戎，多冠蕪帶虎符雄。
廟堂出入謀謨在，嶺海華夷節制通。
攬轡孤城懷舊志，獻俘雙闕見新功。

風霜合遣為霖雨天下蒼生正憶公

鄉里長懷仰止私不才先已荷公知敢言元禮過家舊
豈恨荊州識面遲九蠟屢傳封後藥綵毫今見寄來詩
欲知父子同朝地雲母屏前賜坐時

再疊鷓鴣林書巢韻二首

詞林別館建深巢已避雲間第一梢鼯鼠分同堪共適
蠹魚心苦漫相嘲飛騰豈必罔千仞飲啄聊應水一匏
若遣丘園隨野性未論東郭更西郊

卜築無材懶近名暫將微物寄幽情略同莊子為言寓
敢效張華託賦鳴縱有樊籠何足累更無繒繳底須驚
羽毛欲作填河報路隔天橋尚幾程

無錫殷氏婢守節秦武昌廷韶有傳識之以詩
婦家名節本從夫殷氏分明一女奴少有清風辭外侮
老將遺業付諸孤文章郡守能為傳忠義鄉人定作模
試問衣冠塗炭地不知曾汗此顏無無錫有忠義鄉
賦得玉泉送王元勳還南京席上作

九曲峯前一派過誰將壯士挽銀河天池倒浸空中影

地脈潛通洞底波

泉南有華嚴洞洞有竅其深無底

詩骨照來先見瘦

醉顏醒後不成酡因逢玉兔泉邊客

南京有玉兔泉

欲鬪清冷

奈遠何

文敬聞仁甫在予坐以詩見詫因次韻并柬仁

甫

不厭緇塵染素衣此翁身跡信依依酒狂不作高陽醉
吟苦從教飯顆譏猶有舌存非是拙更無家在莫思歸

何須重訪東曹隱

大敬號東曹隱者

風月西壇興未稀

文明生日以龍尾硯為壽并致一首

我持龍尾溪頭石來壽鳳毛池上人清愛石將人比德
壽看人與石為鄰長留天地詩家事坐鎮浮澆靜者身
記取翰林揮翰客年年來此頌芳辰

戲效原博坡書辱詩見遺因次韻

坡老書名重雪山勁如戈鐵轉如環心同好古生差晚
力欲追君鬢恐斑聊以師模歸有若敢將文行比顏般

狂言戲作皆吾過賴有新詩為訂頑

原博詩來戲予還故步再次韻

醉後揮毫力拔山玉堂觀者堵如環換羊價重街頭帖
畫虎心勞紙上斑得趣豈須優比孟改繩翻愧拙於般
也知真外皆成假莫大分明點與頑

三疊韻答原博

坡書新價踊如山碣石何堪報玉環搗遍吳牋猶送錦
搗殘湘管半無斑文心捧處慙施女筆陣圍時困楚般

楚闕般伐

石底老墓如可學爬沙雙手不辭頑

有評蘓宋圓緡書謂石

壓蝦

墓者

原博和章不至四疊韻督之

書家風采屹如山拙匠紛紛但坐環可信龍豬元異骨
誤疑雞鶩本同班鄭師乍許三降楚墨守終能九却般
聞道純綿深裏鐵定藏鋒力待堅頑

原博詩有雪堂獨立語五疊韻謝之

種柿臨書葉比山空驚歲月轉如環雲間天馬誰爭步

水底山難自照斑敢謂逢蒙曾學羿豈知爲賈不容般
蘇門七字君須入我已無心起懦頑

西莊清隱

山林舊隱不知年北墅西莊次第遷桃李春風花縣外
金銀夜氣寶峯前家貧有業存書卷官在無心乞俸錢
若向水邊逢孺子可能重和濯纓篇

送李提學若虛侯僉憲公矩一首

十載同官別更同一朝分送兩青驄湖南使節經江右

浙上行船過泖東面帶水霜生朔氣手栽桃李待春風
他年冠佩還朝地誰奏天曹第一功

遊白東德西園次韻二首

行逐溪流過野亭望疑山色繞空冥池魚自躍非因餌
園蝶還飛不受局傍渚幽花憐寂寞舞風疎柳愛娉婷
郎君門地清如水不待平泉石已醒

欲采黃花泛綠杯勝遊幽意兩徘徊門連甲第三家近
節過重陽六日纔高屐捲風飛燕雀短垣經雨上莓苔

松林步屨多餘興，馬上新詩取次裁。

送黃廷威力部還南京

承恩寺裏勞相送，宣武門前復送君。
北地黃花開較晚，南都綠酒夢猶醺。
也知錢穀能裨國，漫有文章為策勳。
羈旅未勝鄉里話，雁行飛斷楚江雲。

送陳繼昭秋官還南京

早聞天闕載星軺，越客遊吳路未遙。
千嶂隔空還共月，兩江分海亦通潮。
沙堤樹繞青驄過，畫省詩成蠟炬消。

見說聖朝書訟少幾人清社許招邀

史千戶生輓詩

舉世無端奈死何誰能生作葬時歌
漫勞莊子憂螻蟻且勝藤州臥薜蘿
墓木又生人未老湖亭不動水空波
史官今日書名姓已附他年達士科

和張都憲謁黔國公祠韻

平江陳恭襄侯追封于黔

將壇三世仰先登廟祀中朝覩載興
賓館久辭朱履客影堂時掃白頭僧
樓中舊匣藏秋劍河上行旌見夜燈

猶有姓名傳吏卒
勲勞不愧史官稱

周原已席上賦十月菊

布袍蕭索不勝涼
坐愛芳心共日光
何用門前看五柳

始知秋後有重陽
故園栽處田應熟

原已尊翁號菊小處原已號菊田

市開時藥正香
自古交期須歲晚
相過不敢避風霜

送呂進士自之大名推官

清時休但愛閒官
錯節須從利器看
我愧孫陽曾相馬
君如仇薄暫棲鸞
交情覆手炎涼易
世路於人俯仰難

至境不關儒者事百年留取寸心丹

送孫進士治知臨淮

臨淮鳳陽舊城

千里長淮繞縣東兩城佳氣往來通
封移舊地同周鎬世有遺恩比漢豐
今日兵戈皆未耜當時父老更兒童
循良合是昇平事要錄書生撫字功

送蔣宗誼推官之金華

北來南去幾星霜又見分符出帝鄉
三入越山身更遠重遊京國夢難忘
也知吏法兼詩老未必才名與命妨

臺省祗今須俊傑看騎驄馬問豺狼

次韻體齋病起見寄二首

長隨待漏入金門宦況詩懷得細論
向有才方漢閣杜陵多病且江村
防身戒久同持律愛國情深比負暄
此境定應閒處識幾時傾倒向清樽

坐倚孤筇臥擁衾重門未放野寒侵
疑蛇已辨杯中影病鶴長懷海上心
詩券負來應未釋方書驗後懶重尋
燈前細認銀鈎筆不待平安報好音

壽彭詹事先生五十次諸翰林韻

宴後數日復燕學士

彭鏗家世本神仙異代長生復此筵
朝罷文鵷班始散宴回青鳥信方傳
東宮地近恩兼渥南陸天長景正延
記取八千從半百是公重到玉堂年

雪二首次韻彭武選性仁

冉冉瑤姬駕玉輶墮翹遺佩各飄零
遙從天上諸空界巧出人間萬幻形
洗墨池水看又合衆星堂夜坐還偏
美人獨立高寒外似隔蓬山數點青

造化無端類轉輾晚將恩澤慰凋零淺深欲試千林色
高下皆隨大地形羽士天壇宵擁節龍宮冰海晝開扃
君心自與豐年應漸覺春迴苑樹青

雪後飲胡彥超冬官歸壺席上韻二首

馬蹄衝雪叩君門坐愛飛花撲酒尊簾未捲時先作陣
屐曾來處已無痕寒簷葉落蛛絲墮老樹巢傾鶴夢翻
今夕定知何夕是好風明月未堪論

醉歌聲裏夜筵收雪滿空齋擁敝裘歲事正勞商禱旱

邊心應識漢防秋
山林地僻留清賞
江海盟寒憶舊遊
坐聽蕭蕭成不寐
短牕疎竹未能休

雪晴和應寧諸君韻二首

雪後餘寒滿素縑
坐看庭彩動星蟾
紅塵迥與東華隔
貝闕高疑上界瞻
牆外經過知馬跡
城頭指點見山尖
聚星堂上多勍敵
白戰通宵恐未厭

冰溜無聲欲墮簷
雪花何力更窺簾
山橋路滑車猶險
村市寒多酒正甜
甲第好開雲母障
貧家空照水精鹽

眼看珠玉囊中盡却怪詩人大未廉

傳曰會舉進士次汝賢丈敬韻二首

曾聽干將躍冶聲又看歐劍發精英鄉邦望裏論家世
藝苑書中識姓名御墨親題金榜字宮恩新賜玉壺清
為君喜極須雄飲力盡西江萬里鯨

上林芳樹倚雲高長笑高蟾詠碧桃白戰早收天下捷
春遊不學少年豪兩蘇才擬當時重二宋名同舊史褒
應共玉堂詞翰手鳳凰池上對揮毫

齋居和舜咨侍讀院署見寄韻二首

數點殘星帶碧寥五雲城闕路迢迢
乘高直欲登樓坐望遠空勞舉袂招
何必關山成別夢幸將名姓託清朝
天涯回首相逢地楊柳秋風白下橋

綠槐庭館坐春風十九年前此興同
未老身猶書卷裏不眠人在漏聲中
大鵬南去雲連海羣鶴西飛月繞空
燈火憶君連夕話不勝幽思滿齋宮

立春日力齋席上作

雪後餘寒尚滿城東風花柳正含情春盤淺送青絲色
畫漏遙傳玉箭聲杯酒祇供閒歲月文章應減舊聰明
西臺驄馬東關路又愧賢勞百里行

送范秋官以貞謫鳳翔判得真字

吏部擬謫廣南特改茲郡

早聞長策動楓宸十載郎官謫命新家遠漫為秦嶺客
恩深不作播州人一身且向閒時病萬事還從定後真
蕭索郡齋山樹裏坐看黃葉漸回春

次韻白宗璞員外使宦雲途中遇雪

薊門春雪尚能花却望邊城路更賒應律未回燕谷煖
舞風還濕漢旌斜青山骨聳如爭瘦白雪詞工欲鬪葩
此夜宮綾寒不寐未知清景屬誰家

和楊學古先生東閣趺坐韻四首

院直初歸柳外途玉堂高坐擁雙趺應同禮席開函丈
豈有禪心到給孤聚訟漫勞今日議如尸誰見古人模
亦知戲笑皆文字聞說公才似長蘇

金馬門深入禁途紅塵無地著高趺仙人露下秋莖白

太乙燈來夜影孤
禮樂百年周制文章一代漢規模
休勞鉅筆稱燕許
誰似張公可配蘇

名家簪紱是前途
兩世青雲共接跬
金冶外看雙劍躍
木山中見一峯
孤韋賢經學真傳授
揚子文章古範模
衣鉢更多門
下士向來江浙似湖蘇

目極邯鄲步裏途
獨慙無力繼前跬
瞻依地近公長許
汲引心勞我尚孤
望道若洋徒自歎
學文如虎未成模
百年幾見非虛語
幸是陳郎早識蘇

得匏菴觀造雨箒詩輒次韻

結構親勞較短長棟材應不棄餘良
平分屋角三重溜巧借簷陰二尺涼
閣外青山猶可送簾前紫燕莫愁妨
從今穩作城東客雨笠烟蓑不用將

次劉時雍獄中遣懷二首

歷盡悲歡幾歲年始知安樂是神仙
途危自喜肱猶在嫁晚非關貌不妍
貝錦有詞難劇辯園扉無事且孤眠
眼中同調知應少莫更高吟白雪篇

蓬萊通籍屢經年暫謫人間七日仙翼折豈妨陶夢吉
頰傷翻益鄧粧妍休勞吏報催晨謁却有詩情攪夜眠
世事閱來今已熟不須重問解牛篇

送許程之南雍

驛亭紅樹夕陽舟十載相逢說舊遊同學故人多擢第
異鄉孤客且登樓庭前夜合頻經雨江上芙蓉可待秋
會有蛟龍藏壁水幾時雲霧起滄洲

送李進士玠還西寧

玠明遠都督胄子

幡戟門前綽楔高郎君身已著青袍龍墀有地陳三策
虎帳無心學六韜歸蜀漫誇題柱早入闕空說棄繻豪
太行雲外東西路去國懷鄉兩意勞

佩之饋石首魚有詩次韻奉謝

夜網初收曉市開黃魚無數一時來風流不鬪蓴絲品
軟爛偏宜豆乳堆碧盃分香憐冷冽金鱗出浪想崔嵬
高堂正憶東鄰送詩句情多不易裁

與佩之詩有誤筆以書見問疊前韻

嘉魚詩罷容筵開多事詩人獨未來憶釣每看江雪畫
聞歌如隔海雲堆釜中舊業空愁屢濠上高談亦近嵬
愧有惡詞兼誤筆一時叢雜待君裁

謝原博惠笋疊前韻

翠籠青笋一時開為有清風竹巷來

原博居脩竹巷

池鳳羽毛

應比秀穉龍鱗甲漫成堆襪材有派分洋谷裯錦無心
鬪馬嵬莫笑北人曾煮簍久從湘客問烹裁

佩之惠笋乾自稱玉版老師謂原博冬笋為吳

山少俊疊韻奉謝

玉版山深石路開東軒真被籠盛來飽諳南國烟霞味
不入長安酒肉堆老覺禪心終苦淡瘦看詩骨共崔嵬
叢林年少休相笑脫却緇衣更懶裁

饋佩之新笋用前韻

客路逢師眼為開長安塵土去還來題詩肯附嘉魚什
作供先辭怪石堆自覺冰姿殊秀爽笑渠霜骨老崔嵬
西曹漢吏持三尺高下應勞手自裁

謝于喬送楊梅乾無詩用前韻奉索

深夜柴門闔更開
楊梅香送滿甕來
霜乾淺帶層冰結
紅爛紛成萬粟堆
坐愛春盤裝磊落
憶從秋樹採崔嵬
莫教俗却先生饋
佳句重煩答後裁

饋柑于喬世賞用前韻

凍地經寒裂欲開
南柑初載北車來
霜隨玉爪冰絲落
日照金盤火齊堆
高價敢論燕市踊
遠林還憶楚山嵬
也知黃陸當時傳
健筆應勞太史裁

和侍郎尹公留別韻三首

南都曾聽八仙歌

諸公有八仙會


欲和高風奈遠何紫禁朝天

清夢繞青雲回首後塵多褚虞制作唐貞觀王謝風流
晉永和而我未忘山水地送君吟鬢欲成皤

詞源滾滾正無涯況有勲名為國華江漢地通朝海路
星河人識上天槎迴看仙步離塵遠老覺君恩與歲加
莫賦春明門外別金陵元是帝王家

瀛洲無地不登仙吏省儀曹次第遷從此略施經國手

向來閒却著書年亦知憂樂能關世自卜行藏豈問天
歸路不須馳傳急似聞宣室正求賢



欽定四庫全書

懷麓堂集
卷十四

三

懷麓堂集卷十四

欽定四庫全書

集部

懷麓堂集卷十五至十八

詳校官監察御史臣范衷

中書臣劉源溥覆勘

總校官編修臣王燕緒

校對官待詔臣胡士震

謄錄監生臣安奎文

欽定四庫全書

懷麓堂集卷十五

明 李東陽 撰

詩稿十五

七言律詩

體齋賞蓮次韻廉伯宮諭

後堂深閉小盆池池上花開客已知
索賞故將狂作態
被留真以醉為期三年約伴人應少
五月來看事亦奇

不似城東千葉主有花無酒任人嗤

送張天瑞福建參議

樹擁層城水帶沙八閩南望是天涯
民連越徼還殊俗官似秦藩卻近家
今日閭閻須撫字舊時臺省見才華
詩成不及都門駕祇為孤吟對日斜

徐竹窓挽詩

身是江南隱者流手開瓜圃接田疇
縱無負郭寧求相自有東門豈藉侯
不受紅塵欺我眼誰教白髮上人頭

阪陂陂下多春草一夜西風滿地秋

大雨亨大詩屢至疊前韻

急雨雄詞欲鬪淙未論陸海更潘江傾殘峽水聲猶壯
挽盡天河句未降敢謂中流堪比障故知行潦不宜艘
高歌忽斷浮雲外猶有晴虹熒夜缸

碧筒酒次韻東傳曰會中書

翠嶢深處碧為筒照見池頭一丈紅別有清風來地主
巧將甘露奪天公香隨綠蟻應潛度心入靈犀已暗通

我不負花還負此不勝餘興繞堂中

少保商先生壽七十

白頭歸老荷君恩一代勲名衆所尊自古年華稀七袞
本朝科甲重三元海中仙子長生籙洛下先生獨樂園
恠見台光映東壁郎官又侍紫微垣

送焦孟陽侍講子瑞還南陽

時孟陽歸省不果

翁歸未得遣兒歸歸着襴袍當錦衣南極一星方照地
北山羣梓又成園晉陽授簡書應在司馬題橋志不違

九日菊潭潭上水定和新酒壽重開

焦大父九月初度

題黃日升貢士東樓卷

勝地於人似有期
層軒直覺與東宜
杜陵西閣憐花冷
庾亮南樓恨月遲
近市塵埃元不到
背山風景卻成奇
十年著得凌雲賦
祗恐君王未便知

徐用和御史席上偶成

雨後涼生別院東
午窓殘暑坐來空
水光倒射簷頭日
絃籟時鳴樹底風
南國騷人方作賦
西臺御史正乘驄

文逋未覺驅除盡，暫得幽歡此會同。

次韻答王世賞夜雨感懷

何處吟詩成不寐，夜窓殘夢雨來時。
清聞木葉隨空遠，暝覺山鍾到枕遲。
千里關河游子恨，一年生事窶人悲。
萬間大厦君須作，不用歸心繞故籬。

體齋西軒觀玉簪花偶作

小園紆步玉堂陰，堂下花開白玉簪。
浥露餘香猶帶濕，出泥幽意敢辭深。
冰霜自與孤高色，風雨長懷采掇心。

醉後相思不相見
月庭如水正難尋

西山十首

日日車塵馬足間
夢魂連夜到西山
近郊地在翻成遠
出郭身來始是閒
雲裏盪胸看縹緲
溪邊洗耳聽潺湲
秋風忽散城頭雨
先為遊人一解顏

日照西山紫翠生
雨餘秋色更分明
蜃樓出霧東浮海
雉堞連雲北繞城
舊識郵亭猶問路
漸多僧寺豈知名
十年幾度登臨約
不盡平生更隱情

石橋沙路轉逶迤，青草園林白露時。
遙望好山頻駐馬，緩尋流水細吟詩。
梅間客到題名久，雲裏僧閒出定遲。
也識醉翁非愛酒，筆囊茶具自相隨。

背倚危峰俯碧流，上方臺殿出神州。
鍾聲過院日初午，琴響入空山更秋。
騎馬客尋青草渡，采芳人在白蘋洲。
乾坤不盡東南眼，復欲憑高一上樓。

長為尋幽愛遠行，更於幽處覺心清。
祇園樹老知僧臘，石壁詩存見客名。
望入樓臺皆晝夢，驚風雨是秋聲。

人間亦有無生樂化外虛傳舍衛城

野寺林深一徑通講經臺下見生公
心於簪組元無累興到山林便不同
坐愛鳴絃清石上仰看飛錫墮雲中
諸峯絕頂香山路振袂須乘兩腋風

千仞高峯十丈臺坐看秋色轉悠哉
水流澗石叢中響雲度山牆缺處來
洞口花深無路入巖根樹老更誰栽
匡廬句好終難和愧殺當年李白才

古松成蓋竹成陰十載重來感客心
鳴葉繞空天籟遠

飛流墮地水聲深湖山勝槩此菴足城市幽期何處尋
出寺高歌重回首似聞空谷有餘音

竹籬花徑繞山開盡日無人覺往來且學山翁遊綠野
休傳御史出烏臺乍逢野客名相問慣識僧門手自推
應愛帝城風物霽詩成不為黑雲催

徐用和
同遊

十里平川一掌如穩騎羸馬當輕輿山家犬睡門初掩
僧寺人歸榻已虛遠興直窮高處望豪吟多在醉中書

長安飽食真無事卻憶江淮意有餘

時淮南
大旱

中秋飲汝學宅次韻

是日微陰

對月銜盃莫問天
人間誰是謫來仙
三千界裏應同大
十二回中此最圓
天柱峯高秋雨暝
廣寒宮遠暮雲連
追歡不盡東樓興
猶有清光入閏年

見山樓題常熟陳亞參卷

虞山青近海東頭
正對元龍百尺樓
半世間身剛得隱
四時佳景更宜秋
屐曾躡後猶餘齒
簾為看來懶下鉤
倚遍曲闌人不見
斷雲飛鳥共悠悠

慈恩寺偶成

城中第一佳山水世上幾多閒歲華何日夢魂忘此地
舊時風景屬誰家林亭路僻多生草浦樹秋深尚帶花
猶有可人招不得詩成須更向渠誇

送太常楊公還南京次韻

時楊公掌
尚寶司事

菊花時節共登臺南寺曾為北客陪醉後音書難屢寄
別來詩卷定頻開吳舫最穩纔經月燕酒雖醺亦滿杯
今日送君如送我可能無意暫徘徊

哭女菱

夜堂嬌語坐生頻
睂目分明畫裏身
誰遣一朝為骨肉
極知千古共埃塵
回頭尚覺呼名誤
入想猶疑見面真
漫撫哀琴不成調
他年空憶辨絃人

喬師召編修輓詩二首

禁林仙籍久通名
我里君門數送迎
身病每勞分藥裏
官閒時復對棋枰
北堂萱草三年夢
東國鱸魚萬里情
可是得歸歸便了
竟將勲業負平生

菊徑松園春復春
醉中光景病中身
生存遺業分諸弟
死有餘恩戀老親
富貴不成空骨相
文章無用祇埃塵
玉堂今夜薇花月
曾照當年伴直人

雨中種竹

石欄沙路雨聲乾
為欠蕭蕭一兩竿
深帶土膏從地底
暝移茅屋過江干
方於辰日依時種
影待晴天拂翠看
試倚蓬窓聽疎密
布袍沾盡不知寒

茅屋松聲

草閣斜臨野水隈
松聲時過石窓來
飄蕭忽散飛空雨
淅淅長驚殷地雷
清和鳴絃生白石
遠隨行杖出蒼苔
詩人聽此難成寐
醒盡虛堂昨夜杯

夜窓聽雨

瀟瀟殘雨入深更
半灑踈窓半拂楹
芳草池塘應有夢
落花庭院不勝情
聽疑野寺昏鍾遠
望憶江船夜火明
明日曉晴須出郭
葛衣藜杖一時輕

柳岸垂綸

釣魚磯上晚風多拂拂垂楊渺渺波行過酒家來別岸
坐移林影下前坡聊將短日供長線又見新條縮舊叢
老去祇應家在此不須盤石更垂蘿

糝徑楊花

漠漠楊花帶遠天舞如輕雪糝如氈徑當僻處隨人到
風向多時著意偏地濕似沾前夜雨日斜猶照隔溪烟
春光到此真須惜莫愛床頭沽酒錢

經廢道院

偶從樵客看棋回回首仙宮跡已頽
歲久荒碑橫蔓草日長飢鶴啄蒼苔
空聞河上仙翁去不見山陰內史來
更說前朝封禪地玉符金祕有人開

除夕書懷

壬寅十二月時
已買太僕巷屋

夜坐高堂席屢移老親歡在抵嬌兒
貧堪苜蓿堆盤少病覺屠蘇到手遲
生怕鶯花催客老早看冰雪與春辭
明年又卜新居去應憶城南守歲時

次韻寄答若虛二首

懶向江湖問揖師江南江北兩相思
鳩巢近報移來宅鴈札遙傳寄到詩
城市行蹤嗟我在山林性格祇君知
如今舊社無新興不似星堂夜戰時

西郊雲氣滿林端卻恠長安雨易乾
溽暑中人貪睡久軟塵欺面覺行難
星霜道路天涯隔冰雪形容夢裏看
翹首望君君不見月明無限海波寬

馮佩之秋官得男用爪祝韻

時佩之自江西使還

佳音南報驛程賒千里歸期正及爪
噴案早占釵玉墜

佩之往歲詩云有
人笑倒玉釵斜

就床親正錦棚斜西京舊德于公第

江左清風絡秀家若遣皇華能再返此卽應已解呼茶

次韻寄答方石二首

玉河楊柳幾春風回首長安是夢中別鴈有時傳塞北
愁雲昨夜起天東應懷野客歌招隱肯效文人作送窮
我病欲攻無藥石愧將交誼託微躬

藝苑詞垣二十年離情不似十年前綠波南浦江淹賦
白雪西山杜甫篇醉裏功名心尚在老來山水性俱偏

春風漫作金陵夢卻望天台更渺然

齋居日待諸同官不至

三日齋居到每先病餘歌坐不成眠硯池曉滴薔薇露
土銼春回楫拙烟滿座清風陶穀茗半庭遲日李程甌
玉堂官況從來冷不為詩情減少年

再經西涯

新築湖堤面面平亂橋歌岸失縱橫輕鷗著水驚還去
老馬緣溪戀復行舊日鄰家今幾在別來光景共誰爭

匆匆不盡逢僧話剛說無生便有情

次太子太傅余公登鎮朔樓韻三首

邊城勝槩拱皇都傑閣東來眺望孤落日平沙隨地遠
澹烟飛鳥入空無中原將帥歌周伐北土山川盡禹敷
欲識老臣經濟畧武侯營陣有新圖

鼓角聲高起畫簷坐來霜鬢幾莖添三邊戍久衣重換
二月寒多草尚纖胡地牧情嗟易變漢家兵食恐長淹
知公不似征西帥醉下南樓月滿簾

北來風物感重遊
又上孤城百尺樓
白骨川原遺舊恨
荒田禾黍動新愁
華夷地仰威名重
臺省官兼位望優
從此黃河南下路
不教胡馬飲長流

昌平學宮和劉諫議祠韻

誰為君侯續舊祠
眼中人事幾推移
登科士有同朝愧
憂國心惟異代知
長路屢曾經此地
高風真足壯吾詩
不須感慨深懷古
風雨催人鬢易絲

送左行人使琉球

鯨波淼淼接天遥海國塵空瘴癘消貢賦遠通中服地

冊書元自太宗朝南船去日占風信

凡使海國以冬至日開洋

北闕

歸時望斗杓

海舟惟視北斗為的

但使行囊無薏苡領頭銅柱不

須標

聞世賞太史誦夏提學正夫後園席上二首次

韻分東

回廊欲盡到還通十笏書齋一徑東坐久幽花猶帶雨
酒醒高樹忽生風鄉園近接官仍近館舍同遷地不同

聞道詩筵多好客夜來磐際有飛鴻

浙東冠蓋屢追隨三日深杯醉不辭踵接尚慙登第晚
神交長恐渡江遲觀中桃樹誰應種笛裏梅花可奈吹
一見好詩還技癢欲顰無力效西施

再疊答夏提學

十載江湖夢寐通使車重綰寺門東未傾李白金尊月
先坐王郎玉麈風楚刺漫來何日到郢歌工後幾人同
相逢莫更飄然別指爪須留雪上鴻

到處惟應筆硯隨私逋官籍恐難辭耽詩癖在身長瘦
學道心勞歲恐遲已飽東方猶漢粟未逃南郭尚齊吹
向來至質緣君減斤斧何因得重施

次夏提學韻二首

詩家餘韻遠相沾不見高軒駐短簷花落每教空掃徑
客來長為誤窺簾僧門漫說三生改人世難逢四美兼
若遣錦囊隨綵筆草堂風月價須添

衣袖歸時雨盡沾卧聞涼葉響虛簷鳥情幽寂將依樹

苔意黃緣欲上簾靜裏祇應閒尚在病來長與懶相兼
讀書自笑成何事細取蟲魚幾字添

世賞席上次韻夏提學

坐久莓苔欲滿庭屐痕猶帶雨時青京塵晝斷車馬迹
山色晚開雲霧屏鸚鵡籠深空望眼鳳凰巢近有栖翎
相思只隔西垣夜長怪東堂夢易醒

謝王世賞移竹次韻

俗居無計避塵氛西郭濃陰遠見分幸有竹看休問主

苦無鄰乞竟煩君天應不愛城頭雨地許長留石上雲
十日肩輿猶未過曉風簾箔又斜曛

厓山大忠祠詩四首

國亡不廢君臣義莫道祥興是靖康奔走耻隨燕道路
死生惟著宋冠裳天南星斗空淪落水底魚龍欲奮揚
此恨到今猶不極厓山東下海茫茫

汴城杭郭總丘墟三百年來此卜居海內山河非漢有
嶺南民物是周餘行宮草草慈元殿講幄勤勤大學書

辛苦相臣經國念有才無命欲何如

北風吹浪覆龍舟溺盡江南二百州東海未填精衛死
西川無復杜鵑愁君臣寵辱三朝共運數興亡萬古讎
若遣素王生此後也須重紀宋春秋

宋家行在日南遷胡騎長驅百萬鞭潮海有靈翻佑賊
江流非輒枉稱天廟堂遺恨和戎策宗社深恩養士年
千古中華須雪耻我皇親為定幽燕

送平江伯陳公漕運還淮安二首

賢勞三世服王家千里山川路道賒周甸土中南北貢
漢河天上往來槎晨揮玉麈風生座夜拂銀燈劍有花
聞說江淮多故老風流皆作祖侯誇

朝廷漕運仰南東百里官河屬會通勝國封疆還薊北
西山泉派出城中舟車坐惜千金費畚鍤虛勞累歲功
猶有腐儒憂國念欲將經國問元戎

遇雨後送鏡川楊先生謁陵次去秋見憶韻二

首

春祠秋祭總期程陵典分官次第行苦雨途窮憐我拙
停雲詩好荷公情倦遊丘壑心還在歷盡波濤夢亦驚
今日不堪還北望樹頭風鶴有餘聲

聞說登臨興渺然祗應幽賞勝孤眠遙知水涉山行地
正及花明柳媚天塵世年華須自惜詩家風景更堪憐
閒官亦有遊春夢緩逐鶯聲送馬鞭

再經西涯

拂樹穿雲二里堤綠陰深處鶉鳩啼背城古路車塵少

隔岸人家酒幔低清愛野僧來紫袖醉扶童子當青藜
相逢卻恐知名姓不向慈恩寺裏題

送鄧大叅宗器之山東

談笑蒼生在掌中使君才是出羣雄縣分南國絃歌滿
郡領西夷節制通鏡裏雪添新鬢白殿頭雲擁舊袍紅
循良故是藩侯事莫道齊邦本上功

次柳文範中書閣直賞雪韻三首

雪滿園林物不知賞心卻與雪相期窺簾詠絮誰稱絕

煮石烹茶未當奇
玉宇空寒高易到
碧窓清響靜還宜
柴門擬學昌黎閉
贏得王郎鳳沼詩

貝闕瑤壇路不分
眼看飛雪亂如雲
高城暝帶朝鴉色
小苑斜披獵騎羣
冰溜響簷醒短夢
冷花吹面拂殘醺
自應瓦礫難為質
故乏瓊瑤可報君

遙從天上雪中來
不信人間滿戶埃
積久漸看隨地起
舞餘翻愛逐風回
楚江蓑笠孤舟客
吳地園林半樹梅
莫向此時誇此景
有誰吟對玉堂杯

世賢雙生一子夭死慰之以詩

城東瓜熟子離離
長向西園記送時
正愛春風聯蒂好
坐愁寒雨一枝垂
人生得意難為樂
造物何心亦妬奇
從此柯條終遠大
為君重誦古綿詩

每從竒骨辨頭顱
知是徐卿第二雛
屬對早能通四六
讀書何但識之無
渥洼水遠神駒化
阿閣巢深彩鳳孤
聞說生男重有兆
夜來呼彩得雙盧

齋居東青谿先生

玉堂冠佩託英遊老大相看尚黑頭
後植庭松柯葉改舊題詩壁姓名留
仙人掌出雲初散太乙燈來夜轉幽
惟有清歡并姓語多情難為故人酬

謁陵懃清河舊館有感

路出沙堤向草堂北歸曾此駐行裝
風前熟火烟生面夜半開門雨到床
今日閭閻宜富庶舊時僮僕尚蒼黃
人生剩有悲歡地何必他山與故鄉

過沙河有感

幾家茆屋住荒洲風景淒然感去秋
沙壅斷橋還舊路
水藏深澗有撓舟虎談在耳神猶動
魚塋傷心骨未收
對此不堪懷故侶野烟溪日重回頭

重宿劉諫議祠有感

曾照荒燈宿古祠祭餘山路獨歸遲
誰教夜雨移床後
正值秋風破屋時豈謂人生非夢幻
極知平地有歌危
感今懷古無窮意只許前朝諫議知

昌平城北道中有感

十里溪橋野色分
平沙不動水沄沄
聽餘空谷猶聞鳥
行到深山不見雲
勝事園林看入眼
迷途風雨憶離羣
城陰舊路元非遠
夢覺齋廬日未曛

賦得西湖送張公實少叅歸浙江

路指三天轉六橋
盛時風景勝前朝
無山不繞湖邊寺
有水皆通海上潮
部使隨星馳漢節
騷人乘月弄吳橈
因君卻省曾遊地
醉倚高樓望泐寥

初赴郊壇看牲

奏書初出太常卿隔日分官次第行騎士擁塵隨輦道
犧人投牒報牲名樓臺地遠稀聞漏燈火門開夜到城
歸向玉堂題笏記坐聽金鑰待天明

慶成宴初預殿坐

大官分胙出郊牛又向宮筵侍冕旒瞻拱正當天北面
班行初坐殿東頭斟來琥珀盃頻滿舞罷狻猊隊始收
正是君臣修省日感恩無地答神休

鍾御史同追輓詩

少海驚波竟隕身
豸冠曾觸驪龍鱗
生無赭色居臺省
死有丹心質鬼神
五夜虞淵終日見
百年宰木再回春
南宮慙老英靈在
地下惟應兩故人

雪後早朝

六日長安雪滿城
五更鍾鼓一時晴
水精宮冷雲猶凍
鳩鵲樓高月正明
朝馬不嘶金勒靜
院燈無影玉堂清
祇應天上寒如許
恠底人間夢不成

郊祀前一日齋居候駕

石橋瓊尺倚雕闌樹裏行宮接泰壇盡地龍顏瞻九陛
兩班鵷步引千官旌旗滿路春雲擁鼓角連城曉氣寒
為報雨師休灑道香塵先已避鳴鑾

初預郊壇分獻得南海

南海分壇位嚮東石門深鎖象龍宮歸虛下有通靈地
廣利中含濟物功萬里炎威驚變雪一春佳兆喜占風
儒臣詔許供牲幣愧有微誠佐聖躬

鏡川楊淑人壽詩

鹿鳴歌裏和桃夭白首相看似一朝清俸屢沾三世業
內班新綴兩宮朝門臨杜曲天相接膾出蓬池手自調
為報平反終有喜壽顏春酒任紅潮

祀陵懷青谿學士

君居禁署應思我我在山城更憶君藥裏自煎巖下水
緘書誰寄隴頭雲歸鴻影落當空見警鶴聲高半夜聞
長恨茲遊不同賞一年春色又平分

鏡川翰長以劉諫議祠詩見託竟忘代致以詩

謝之

曾勞詩卷付蒼頭一笑空囊竟莫收
忘事師丹猶少壯致書殷羨敢沉浮
誤驚神物空中化卻愧明珠暗裏投
已向荒祠留素壁重來須待碧山秋

喬主事歸自西山聞南屏隱甕山
晶菴漫寄一首

靜倚巖扉自詠詩豈知朝市有人知
山林入後應嫌淺蹤跡看來頗近奇
滿目塵埃須笑我一川風月合分誰

蒼苔白石湖邊路亦欲相尋未可期

懷麓堂集卷十五

欽定四庫全書

懷麓堂集卷十六

明 李東陽 撰

詩稿十六

七言律詩

京都十景

瓊島春雲

瑤峯獨立倚空蒼
雲去雲來兩不妨
旋逐春寒生苑樹

更隨晴日度宮牆玉皇居處重樓擁太史占時五色光
若與山龍同作繪也須能補舜衣裳

太液晴波

太液池頭春水生更無風雨卻宜晴鳥飛不動朱旂影
魚躍時驚綵棹聲天上銀河非舊路人間瀛海是虛名
何如周圍開靈沼長與君王樂治平

居庸疊翠

劍戟森嚴虎豹蹲直從開闢見乾坤山連列郡趨東海

地擁層城壯北門，萬里朔風須卻避。
千年王氣鎮長存，磨崖擬刻燕然頌。
聖德神功未易論。

西山霽雪

雪後西山爽氣增，凍雲消盡出崢嶸。
眼看萬壑徧一白，誰遣六月生層冰。
巖竇有泉渾欲滴，石根無路轉愁登。
飛樓縹渺空寒外，幾度憑高興不勝。

玉泉垂虹

玉泉東下轉逶迤，百尺虹霓欲倒垂。
石罅正當山斷處，

林光斜映雨晴時
惟將遠色兼天淨
不恨微涓到海遲
五老峯前纔一派
可能消得謫仙詩

薊門烟樹

薊丘城外訪遺蹤
樹色烟光遠更重
飛雨過時青未了
落花殘處綠還濃
路迷南郭將三里
望斷西林有數峯
坐久不知遲日霽
隔溪僧寺午時鐘

盧溝曉月

霜落桑乾水未枯
曉空雲盡月輪孤
一林燈影稀還見

十里川光澹欲無不斷鄰雞催短夢頻來征馬識長途
石欄橋上時翹首應傍清虛憶帝都

金臺夕照

往事虛傳郭隗宮荒臺半倚夕陽中迴光寂寂千山歛
落影蕭蕭萬樹空飛鳥亂隨天上下歸人競指路西東
黃金莫問招賢地一代衣冠此會同

南園秋風

別苑臨城輦路開天風昨夜起官槐秋隨萬馬嘶空至

曉送千旂拂地來
落鴈遠驚雲外浦
飛鴈欲下水邊臺
宸遊膚藻年年事
況有長楊侍從才

東郊時雨

鳴鳩將雨過東林
細草青郊望轉深
潤入土膏春脉脉
暝含山色畫沉沉
尋花問柳遊人興
荷鋤扶犁老心見
說帝城多景物
春晴未必勝春陰

次韻賀彭閣老先生二首

吏部銜清帶翰林
路隨仙步轉高深
人間別有登雲地

天下空勞仰斗心瀛海新波添夜雨玉堂喬木長春陰
歸來更覺門如水不受車塵半點侵

半生名行重儒林吏隱官曹歲月深文靖舊無旋馬地
敏中元有耐官心川原煖入三春雨殿閣涼分六月陰
欲效禹偁書院壁向來官序敢相侵

哭商懋衡侍講

科甲文章有父風詞林接武更誰同講經春殿爐烟煖
校藝秋闌燭影紅門閤並高緣有弟頭顱未白早稱翁

生年五十還非夭不道人間是夢中

成化丙午五月十日東閣曉卧夢人以一男相
饋六月九日初度得男家報至閣中其事始驗
志喜二首

倬直金坡筆硯餘忽傳芳事滿庭除官曹尚憶占熊夢
仙島何曾礙鶴書三日兩孫翁獨喜

舍弟溟亦得男

四句初度

我還如犀錢未作通家會織翠先過長者車

坐撫新雛一笑餘勝從臺省得新除閒門最陋堪旋馬

舊業雖貧尚有書貴賤人生真漫爾賢愚天意定何如
渠兄漸長資猶劣壯日誰牽服賈車

丙午順天府鹿鳴宴後有作

二十年前宴鹿鳴京闈何意此時衡官曹飽後心長忤
天語來時夢亦驚敢謂文章真妙選極知榮寵是虛名
賓筵既醉皆君德擬賦周詩竟不成

聞青谿學士擢禮部侍郎喜而有作

早將經濟許乾坤位入中年望已尊兩世北門專掌制

二卿南省載承恩

大僖公以學士擢禮侍青谿寔趾美二職今代所未有也

騰蛟地

迴雲俱化浴鳳池存水尚溫從此黃扉須更到講筵經史待重論

大行皇帝輓歌辭三首

北闕南都象鎬豐我皇身自際時雍祗應龍種如高帝
何止虬髯似太宗草木有情皆長養乾坤無地不包容
因思二十年前事長躡仙班侍九重

聖朝偃武修文日共道王言似六經宋史重施新袞鉞

孔庭增飾舊籩鉶垂衣共仰升龍象賜墨皆成翥鳳形
回首茂陵松栢樹春來還向裕陵青

聖孝仁恩遍九埏由來至性本天全慈顏備極清寧養
帝號重歸景泰年斷獄法常寬斧鉞祀郊行不為遊畋
儒臣戀德兼衰病北望橋山幾泣然

祥後次方石謝先生見慰四首

三年血淚空啼我萬種愁心合語誰春夢不成翻苦睡
凍髭多白豈關詩孤雲返水無歸處落木長風有靜時

南巷北鄰瞻望地底須睽隔是相思

除夕高堂每燕嬉悲來惟有骨先知
鬢思白髮傷春至敢惜紅顏與歲辭
歸鶴不關今古恨乳烏長戀死生私
多情得似無情好莫怪嬌兒太放癡

承歡未極早生悲已覺人間萬事微
三釜祿存嗟獨荷百年身在憶全歸
愁來別館春燈暗戒後詩壇夜坐稀
不有青雲舊知己病軀無力定誰依

朱顏有信先驚老碧草無情已報新
藥裏不消貧裏病

鄉山空復夢中春，欲尋流水難成調。
怕聽啼鷄又及辰，敢謂悲歌能當哭。
歌成嗚咽轉愁人。

次韻答方石先生齋居見寄

歲序驚心感雪霜，閉門終日類山房。
不眠豈坐耽詩癖，縱去能為對客狂。
西閣漏聲清夜隔，上林花意薄寒妨。
雲霄舊侶勞相問，愧殺官曹兩月忙。

再答方石

一卧空山歲幾霜，齋歌重聽漢芝房。
應憐史局多清暇，

誤悔詩壇作故狂春夢屢驚神獨往病懷真苦力相妨
無因載續陽春調奈有嬌兒乞字忙

再答

紫壇仙路隔烟霜縮地真無費長房身計祇應和霧隱
詩情敢作上天狂駐顏藥在心仍病折翼門高夢亦妨
最是丹丘無事鶴人間翻苦寄書忙

次青谿除夕韻

星奴無力送韓窮萬事都歸百感中病去祇應愁作伴

詩來真與檄爭功
交游義重勞三益
骨肉情深念五宗
花柳一春餘恨在
盡判雙淚與東風

張進士鏌知含山乞詩走筆贈此

張自稱知白之後

我病蕭然不出門
河橋冠蓋正雲屯
新詩寫贈聊隨俗
往事追思欲斷魂
夜雨江頭千疊浪
春山樹裏萬家村
河陽相業須珍重
兩字箕裘不易論

次青谿歲暮禡享韻

殿頭風靜宿雲銷
目送香烟上紫霄
祧廟有靈歸禡祭

議曹無力預官寮千官珮烏陪龍衮九奏笙歌合鳳韶
人道舜廷咨伯地舊將清直事唐堯

送陸武選文量之浙江叅政

天上風雲擁俊豪海邊魚鳥識旌旄心懸紫禁千門月
氣壓層江百丈濤高論有人傳諫草清時無事說兵曹
極知民社關憂樂未放山川入醉毫

枉諸友先君墓次方石先生韻奉謝二首

荒郊無地不悲風廢堞西來古道東本為登堂勞范式

非關痛腹返橋公十年世事看今昨兩代交情識始終
賴有新詩題舊恨多愁聊可慰予窮

淚眼衝寒不受風出城先錯路西東地連村郭無三里
誼重存亡有數公寸草恩多身尚在蓼莪詩苦卷難終
須知盡日閒行意不為看雲到水窮

送吳亞卿道本省母漳州二首

地卿分職重東曹南望家山隔暮濤無計得歸寧免乞
有親能覲敢辭勞天風夜送飛帆急海日晴翻舞袖高

莫為倚門煩側席太平勲望屬時髦

與君交誼豈不久我少忽看青鬢華
八千餘里暮山色二十五回春杏花
故人離思賦碧草仙母醉顏餐絳霞
誰道天河隔世界從知海客慣乘槎

春雪次韻方石

踏雪詩來起我眠雪清詩絕兩堪憐
極知慰藉春深地不似倉皇歲暮天
閒看紅塵非世界坐疑銀海眩山川
萬間廣廈真誰事昨夜先愁我屋顛

次方石先生春分懷先壠之作

永夜深悲輟笑歡夢回還復報晨餐
間門少客猶多病舊業無家漫有官
四序槐榆頻改歲九原風雪倍愁寒
多情莫詠頻繁句白髮傷心和正難

心遠堂

晚向青油幕下歸宦遊不與意相違
山林豈獨容高枕塵土何曾著袞衣
近海秋帆風力健遡空晴鶴羽毛稀
終南捷徑翻能近今昨誰堪校是非

清明前一日謁先宜人舊壠有述

遠從中歲憶兒童三十年前此送終
四世死生同骨肉
兩原川陸限西東
浮生過眼烟雲外
舊事傷心含斂中
欲問九泉何處好
鶴書迢遞若能通

送儲靜夫主事之南京吏部兼寄夏廷章

萬里晴空一鶴飛
野雲溪雪避光輝
不應銀海妨廻櫂
未許緇塵得上衣
南國地誇山水麗
東曹官愛簿書稀
多情定與吾鄉彥
石假峯前詠落暉

章恭毅公輓詩

極知天下無難事聞道先朝有直臣
萬死不輸三寸舌一生誰是百年身
英靈地已歸河嶽遺草天應護鬼神
欲殉朱雲借時劍九原重斬負恩人

次韻答愧齋先生

歷歷星霜歲屢移病來雙鬢幾莖絲
故人別久翻疑夢往事心勞尚有期
天上浮雲初變日江南芳草未青時
祇應千里神交地不識人間是路歧

次青谿先生喜雨韻

河伯經春暫啓宮銀潢飛雨一時通
城蕪盡濕疑含霧
園柳低垂不受風
四埜年豐占卜史
三壇神聽協歌工
儒臣獨病空無補
賴有賢勞答聖衷

次韻方石哭靜逸先生

病起看春意屢新春來無事不傷神
百年世路誰非客
四海交情幾是真
館閣正須揮翰手
山林無少著書人
因君萬念涼如水
亦欲滄江把釣綸

禪後述哀用祥韻四首

淒涼此日還非昨俯仰吾生欲藉誰盤茭有情慙屈建
江魚多恨老姜詩孤禽影弔魯棲地宿火灰餘未死時
莫向海天深處望海天空闊不勝思

膝前長記作兒嬉老去悲來不自知詩誦久荒毛氏業
鳬招空效楚鄉辭禍能倚福須天定病得偷閒是我私
獨有無情雙白鬢不關人黠與人癡

百身難贖兩年悲轉覺悲來病力微月落空堂驚夢短

草青深院識春歸
浮生跡在雲俱變
客淚痕多雨似稀
應謝西涯舊時柳
泣風愁雨共依依

庭花向晚寂無隣
槁木經年猶有新
屈子徒令惜往日
謫仙別自悲餘春
烹魚饌苟竟誰事
騎馬看花非我辰
故舊相逢莫趣駕
閒居亦是素餐人

次韻答時雍

萬里長江日夜風
故人消息苦難通
十年人老俱頭白
千里書來會面同
弱質瘦憐多病後
餘情閒寄苦吟中

極知倦眼猶明在須向虞廷睹舜瞳

晝夢用舊韻

暮雨林臺花黯黯愁人正愁相對眠夢疑空蝶有時化
兀如風舟不受牽江鄉亂草接天際鄰家短鷄啼竹邊
偷閒習惰恐未可猶欲作官支俸錢

又用韻東方石

溽暑中人如酒然空堂閉門各自眠君無俗客片紙入
我苦嬌兒雙袂牽莓苔古洞石巖際蘆荻釣磯秋水邊

振衣濯足兩不遂一枕清風千萬錢

重經西涯

城中風景夢中路病不出遊空有身柳條弄水色不定
鷗鳥傍沙情自親舊鄰十室九易主古寺百年長占春
慟哭兒童釣遊地白頭重到為何人

寄顧天錫

兩年三度吉州書一見佳兒更起予霄漢踈星晨落落
江湖幽夢晚蘧蘧吟詩性癖同心在聽訟堂空散吏如

獨有故人衰病後憶君清涕欲沾裾

遣兒兆先入學以詩示之

襁褓纔看巾角成儘將驕劣誤聰明要知西塾橫經地
不盡重闌屬續情天意肯從吾敢負父書須讀汝休輕
烟樓撞破非能事我已無才浪得名

送衡州鄧同知

楚客遊吳幾盪胸又看衡嶽聳晴空東西南地蹤跡半
七十二峰疆域中郡刻有名隨薦鶚仙班無路接飛鴻

鄰邦亦欲沾河潤聽說陽城撫字功

承陸治齋以詩趣出次韻答之

太行山下不勝思得似河陽駐馬時
環堵病回猶有我玉堂天上本無期
雲隨海鶴書來遠門掩春鐘夢覺遲
六館編摩諸老在敢將名姓託吾私

過城西高涼橋憶方石用所寄韻

每緣多病輟幽尋
蹔駐城西水石陰
同賞竟孤前夜約
獨行無奈此時心
千山拂曉疑看畫
一雨經春不論金

猶有未忘情處在更無開口亦微吟

遊西山次韻答方石先生

未信仙家隔世寰直須風物盡我蠻一時望眼東窮海
千里提封北據山光景竟輸三月暮官曹空負兩年閒
祇應他夜烟霄夢長在西林水石間

登華嚴上洞呈方石

振袂先登不受呼洞門高俯一浮圖吐吞雲霧成朝夕
指點江山入有無東去平蕪連野盡北來飛鳥背人孤

因逢海上仙翁說不羨天台與鴈湖

次韻楊維立侍讀館中見懷

每依紅日住長安瀛海東頭是大觀一代編年尊國史
六曹分局重天官同垂汗竹誇羣彥對掌絲綸見二難
曾向先朝分舊館壁間名姓老羞看

予兩侍
史館

次韻寄題鏡川先生後樂園二首

藥欄花圃背堂開一日朝回幾度來范老心終念廊廟
冠公家不起樓臺海邊釣石鷗盟遠松下棋聲鶴夢回

多少舊題詩句在碧紗籠底認青苔

綠陰繁處小堂開野蝶園蜂自去來細草有情雙駐屐
遠山無數一登臺幽花坐愛栽時滿俗客空教到後回
病起三年猶未賞短垣多雨長莓苔

重經慈恩寺憶張滄洲題瑤僧故廬

石橋飛步欲凌空百尺清陰九折通水底樓臺天上下
岸邊花柳路西東春題杏苑懷張籍晝卧廬山夢遠公
今日一杯還一曲獨吟孤酌與誰同

苦雨次韻方石五首

雨足街衢水到門，幾家兒女競罌盆。
疑占石礎經時潤，夢駭雷車昨夜翻。
河若可填烏敢避，日如能照犬須奔。
南鄰老伴非耽飲，直為愁多共酒樽。

悲歌徹夜掩重門，急雨聲高應鼓盆。
破屋有情看突兀，顛崖無力抹傾翻。
街頭濁浪如山壅，天上行雲學馬奔。
誤向北鄰招杜甫，不勝愁絕對空樽。

時方石
喪內

海中誰洩尾閭門，天上疑傾玉女盆。
夸父力窮空競逐，

商羊舞罷復飛翻
議多鄰壑功難就
戰退詩壇殿已奔
兩月內曹無職補大官
剛減病時樽

直下天潢是海門
蛟龍何意覆池盆
身如斷梗沙邊泊
夢逐虛舟浪裏翻
風伯縱靈應卻走月娥空老更誰奔

鬱攸重作中宵祟
欲效欒郎喫酒樽

時有水菑

病掩愁城不出門
直須牛飲院家盆
天瓢有底從教罄
屋瓦無情也任翻
占憶田家今昔話
言勞鄰使往來奔
青絲白日空相送
不得高歌共此樽

送崔指揮謙漕運還大河

滯雨濃雲黯不收
漕歌聲動木蘭舟
星稀禁闕天初霽
水落長淮地始秋
國計已隨山共積
歸心應與水爭流
山南後裔聲名在
要識清朝有壯猶

寄哭王允達中書次方石韻

金華西下路崎危
又闢齊山第一支
乘化不隨玄鶴返
懷歸空與碧山期
生前義重同心在
身後囊空老僕知
極目關河飛旆遠
為君惆悵立多時

重經西涯

渺渺平田水滿湖
早秋天氣雨晴初
灘聲赴壑如相競
鳥影凌空半欲無
未采蘋花憐寂寞
旋栽松樹見扶疎
經過自與行吟約
未覺何顒此興孤

社齋院署次前韻答方石

瀛海分明不受舩
三山漫與十洲連
鸞飛鶴散驚千里
月迴星疎共一天
跡似杜陵休比浪
詩成曼碩自須憐
玉堂槐影依稀在
獨坐吟燈思惘然

索酒一首與方石

下馬呼童索酒忙出門黃霧正茫茫應慙野興緣秋減
乍覺輕寒與病妨彭澤漫勞王宰送新豐不學馬周狂
亦知善戲非成虐晬盎從來別有方

重遊西涯次韻方石

流水平堤柳繞垣重來又隔幾寒暄輕鷗似解隨人意
老馬猶能識寺門千載高情彭澤社百年幽事杜陵村
王郎亦有携琴興聊共清風石上尊

懷麓堂集卷十六

欽定四庫全書

懷麓堂集卷十七

明 李東陽 撰

詩稿十七

七言律詩

弘治己酉十月恭陪茂陵禪祭途次次韻答謝
方石贈別

萬里長空送遠颺馬頭西向禁垣辭鄭公聽履星俱下

列子乘虛氣可騎狂似山城吹帽客恍如塵海泛槎時
詩人莫訝天將雪雪後尋春更有詩

宿劉諫議祠用前韻

廟門高樹響靈廳直諫猶懷慷慨辭海內鳴陽希世有
仗前瘖馬任人騎江山盤礴堪輿氣精爽分明夢覺時
千載腐儒憂國念為公三歎一題詩

望狄梁公祠用前韻

碧山西望邈流颶欲弔唐竟誦楚辭寄遠東芻誰與致

衝寒瘦馬不勝騎心懸晉嶺瞻雲地功在虞淵取日時
預擬明年寒食候莓苔壁上為留詩

宿西陵朝房用前韻

漢家陵壑動悲颺汾水經秋憶舊辭海上桑田春幾變
人間鐵馬夜還騎瞻疑日角臨朝地立似天門待漏時
山下擁裘寒不寐獨吟聊且罷聯詩

重謁茂陵用前韻

寢樹寒聲起夜颺載聞清廟有歌辭鼎湖已逐羣龍化

周馥空傳八駿騎千古山川神陟地三年祥禪禮成時
微臣亦抱劬勞恨萬事傷心忍賦詩

陵祀歸聞賜戴煖耳諸公有作再借前韻五首
烏紗巾上透涼颰一髮君恩力未辭賜煖宮貂同日戴
冒寒郊馬有人騎耳聞明主如絲詔心似窮民挾纊時
明向玉階還稽首羔羊重續退公詩

天上晴雲散煖颰曉霜先與賜貂辭宮墀正引千官拜
塞馬方懷賈客騎興豈龍山吹帽日恩同漢帝解衣時

瓊樓玉宇寒多少擬和新詞學進詩

輕盈弄日煖含颺短髮蒙茸亂不辭狐掩敝裘慙並價
馬驚寒影怯初騎寧同趙服隨胡制不似齊宮汙肉時
寄語春風莫吹卻多情長誦感恩詩

拂面寒生雪後颺十金貂價豈容辭鷄鶩祇解戎衣著
狐貉空隨獵馬騎禮重廊人歌鼠日功多楊子拔毛時
君恩不與炎涼變欲和唐官賜葛詩

午門晴旭颺輕颺拜領恩綸竟莫辭八座敢誇三珥貴

千金不羨五花騎，休論孟德頭風事。
絕勝揚侯耳熱時，老去毛君猶未禿。
玉堂閒寫賜貂詩。

尚矩還自南畿宿城西，高氏園出訪而還。
次廉

伯韻一首

名園祇在寺垣西，客袂無端此再携。
鴉背夕陽天上下，馬頭晴雪路高低。
吟思謝氏池邊草，渴憶蘇郎醉後壺。
歲晚朝天應不遠，不須愁滑向春泥。

十一月朔喜雪次韻答周松露亞卿

卜歲何勞問大貞雪飛元不待嘉平未看麥應兩岐秀
且賞花開千樹瓊天向白時知夜盡地從消處見陽生
青綾被底餘寒在獨有懷人夢不成

西域貢獅將至有詔遣行人道邵之鳴治侍講
有述敬次來韻一首東舜咨伯常二禮部

萬里狻猊初卻貢一時臺省共騰歡極知聖學從心始
誰道忠言逆耳難漢代漫誇龍是馬隋家空信鳥為鸞
非才敢作清朝頌獨和新詩寫寸丹

元日早朝

紫殿朱闌白玉坡
天風吹樂下雲和
城頭星斗知春早
苑外旌旗拂曙多
龍集載看新歲紀
鳳池初煖舊恩波
擬將無逸陳周戒
咫尺君門奈遠何

郊祀喜晴有述

碧烟消盡露華凝
目極瑤壇第九層
清珮緩隨馳道月

絳籠高應午門燈

郊祀時樹大燈籠
與正陽門燈相應

風傳廣樂聲初下

天近燔柴氣已升
人意可占神意悅
萬年靈祚永堪膺

壽董圭峯六十二首

百尺圭峰勢入雲看君標格動人羣
雄才捷可時揮翰老眼明堪夜校文
千載極星當闕見九霄清鶴傍城聞
長生會裏神仙客宴罷宮筵酒再醺

是日
經筵

六袞纔臨未二毛置身元合在仙曹
登科記有曾刊策直講恩多舊賜袍
陌上兒童知姓字館中年德讓耆髦
東夷不用詢安否親見先生壽骨高

董嘗使
朝鮮

弘治庚戌三月十五日殿試讀卷東閣次都憲

屠公韻

閭闔門深紫殿春先朝舊典一時新文章妙極寰區選
陶冶同歸大造仁世有真祥非物寶天將吾道付儒紳
狀元忠孝何人是遙見香爐上玉宸

十七日文華殿讀卷次司馬馬公韻

龍虎榜中新得士鳳凰詔下正求才宮袍錦簇班初合
御筆紅批卷未開跪捧案香當北面步隨仙躅下中台
鑾坡兩度沾恩宴猶憶先皇舊賜杯

十八日聽傳臚有作

金蓮影與赭袍明
華蓋前頭次第行
黃紙數行丹詔字
鴻臚三唱甲科名
雲邊曉日中天見
夢裏春雷昨夜聲
歸向長安聽人語
聖朝羅網盡豪英

十九日恩榮宴席上作

隊舞花簪送酒頻
清朝盛事及嘉辰
星辰畫下尚書履
風日晴宜進士巾
圍撤漢科三日戰
苑看唐樹九回春
丹心未老時頭白
猶是當年獻策身

送張亞卿文淵巡山海諸關

百二重關擁帝京大夫持節正東行風聲匝路旌旗繞
月影連山睥睨平秦策本無空萬里漢降能受祗三城
極知經濟吾儒事要使賢勞答聖情

送陸貢士答還常州

廉伯庶子
之弟也

霜蹄歷塊暫須驚可信青雲路未平楊意幾時能薦士
子由剛道不如兄花迷苑外愁中望草入江南夢裏生
因憶晉陵親舊地送君非是道傍情

寄和愚得謝先生韻二首

樓高未許俗人來，坐看風江雪浪顛。
不受苦吟嘲飯顚，偶傳新賦出天台。
聽餘百鳥惟聞鳳，閱盡千花始見梅。
遠道壽公無一物，願將碧海注金杯。

蘭舟舊興久相違，藜杖餘光得暫依。
二阮有情還共社，兩疏休恨不同歸。
漢宮直擁青綾被，越調歌傳白苧衣。
莫向江湖重回首，故人天上曉星稀。

礪庵為毛給事作

學得磨礱歲月深都將片石付分陰無瑕始見他山玉
有用終為大冶金轉覺工夫非舊步肯教圭角變初心
未論商鼎調羹事先進君王納誨箴

早朝露坐

七月涼生暑未徂似聞宮葉下高梧城頭急雨時來去
雲際疎星乍有無清漏水聲催玉箭絳龍燈影動金鋪
長安道暘知多少坐待天風一夜蘓

左時翊方伯輓詩

漫說仙壇有地靈
早將塵滓濯清泠
多才擬作梁園賦
好古親書漢石經
駟馬門高歸興遠
五羊城遠使車停
桂坡坡上懷人處
月落梁空夢易醒

送閔都憲鎮兩廣

早聞新命出臺端
多少都人夾道看
五嶺以南惟此鎮
六卿之外更何官
風傳夜柝營門靜
霜捲晴旂海氣寒
二十八年鵷鷺侶
珮環聲裏聽和鸞

聞應寧遊西山以雨不果戲贈一首

時久旱

六載金山夢玉泉北來雙袖幾便旋杜陵雨怯期空負
赤壁風高興已仙濃愛午雲籠苑樹暗驚春浪打湖舩
蒼頭也識蒼生意解為遊人一莞然

壽盧方伯廷佐

秣陵花竹卧新莊畫省薇垣舊夢長長有壽顏紅勝酒
儘教詩鬢白於霜一錢不用買明月萬事無如歸故鄉
欲采靈芝為公壽久知仙藥是家藏

盧有瑞芝

十月既望曾太僕席上見雪呈諸同年

十月長安見雪初舞風簾幕愛蕭疎寒欺燭影花相妬
淺映盃光玉不如五出未開應避汝二毛新點正慙予
同年會裏清時樂欲賦豐年興有餘

寄應寧提學用留別韻二首

天上詞垣近省闈十年毛羽愛追飛南池水煖鷗重化
西華風高鴈未歸絕足風塵須獨步初心道德肯相違
網羅剩有求才意未放山林老布衣

聲價曾傾翰墨林聖朝風教竟誰任冰霜故有回春力

梁棟應勞種樹心猶記籍分中秘久更無名謁外臺深
纔看白髮窺青鏡又逐離情上短簪

次嚴宗哲太守留別韻兼寄應寧

宦轍南來萬里身二川西望入三秦從知太守多名士
更喜監司是故人滄海夜驚鯨力破碧霄晴指鳳毛新
他年記取留詩別庭雪初回柳未春

體齋偶談舊譜出湘潭因取舊刻古潭私印為
贈并侑以詩

片石當年手自鏤姓名猶記古潭州
老來悔作兒童戲質在長含瓦礫羞
郡邑舊分從遠譜文章新價託名流
鄉評世講吾人事傳語雲仍次第收

用前韻答曰會中書

寸鐵空勞兩字鏤天教完壁送鄰州
喬遷漫有時哉歎舊匱翻為待者羞
李氏石無佳子弟蘇家山是假風流
極知伯仲文章貴應與詞林並價收

代石留別用前韻

純質親勞琢更鏤又隨筐篚過旁州相逢卻有搏沙恨

欲往先防見玉羞

體齋家有玉

君義比金誰合斷我心非水

亦分流如聞翰苑將移篆

予攝篆久體齋以新秩當受篆

願與鈴封一

處收

青谿聞體齋古潭之說有詩嘲次韻以解

奇事非關功力鏤桑乾從古說并州登龍卻恨通家晚
獻璞翻為識者羞豈謂他山無片石誰能隻手斷長流
春曹不許書名籍別付詩壇掌故收

聖駕詣郊壇省牲喜晴次阮禮部韻二首

玉堂鈴索報新時又尚南郊候省牲
照日山龍明有象行空劍鳥迴無聲
層城近識彤樓麗複道遙看羽蓋輕
誰道碧壇玄貺遠天心先格主心誠

九重宮殿一時時帝帥千官視五牲
獻瑞雲師朝送彩避塵風伯夜無聲
虎賁帳合龍旂繞羽士班聯鶴帔輕
應識感通非浪語駿奔何力助精誠

張亞卿文淵翟都憲廷瑞湯諭德維立領武官

誥草事奉贈一首

曲池方檻綠周遭北闕回瞻象魏高
臺省衣冠新接武神仙官府自分曹
書函御寶開紅玉酒出宮壺瀉碧濤
見說武階名籍重未妨精鑒入秋毫

送曹都憲出鎮薊州諸闕

居庸東下接榆關千尺層城萬仞山
秋有桑麻生事足夜無烽火戍樓閒
帳前貔虎知嚴令歲晚風霜識壯顏
畧試一方經濟手歸來重補舊朝班

元日早朝

九門深掩禁城春
香霧籠街不動塵
玉帳寒更傳虎衛
彤樓曉色聽鷄人
簾前樂應紅燈起
階下班隨綵仗陳
朝散東華看霽日
午烟晴市一時新

孟春陪廟祀

闕角鐘鳴寢殿開
羽旗鱗甲繡成堆
班齊禁旅分行入
拜罷宮盤捧胙來
九廟神靈同日降
四時霜露及春回
廟街出外頻翹首
一道笙歌遶地雷

郊壇候駕

御座亭亭覆朶雲行宮佳氣正氤氲風旂繚繞空中降
午漏依稀閣外聞貴戚賜衣多錦繡內厨頒饌屏芳輦
齋堂向月懸清珮擬候瑤壇入夜分

郊壇分獻再得四瀆

宿氛銷盡夜無烟萬燦光長複道連陟降祥如水行地
裸將心與月當天羽衣道士通儀節白髮犧人說豆籩
猶記策名分獻日去年風景似今年

慶成宴有述

綵旗珠纛舞晴風
香案前頭玉陛東
天籟迴隨仙樂下
日華偏近御顏紅
百年覆載生成後
一代君臣禮意中
郊獻幾回分殿坐
聖恩神貺兩難窮

送彭進士杰之南曹

幾年宦路說通家
二仲風流世所誇
去日獨吟池上草
到時同醉寺前花
芭蕉月冷春題字
棠樹風清晚散衙
為報高堂消息近
舊都元不是天涯

送周進士統知宿州

甲科文采重弓裘親見趨庭接官遊坐受簪袍能待客
去看冠蓋得分州宮前碧柳先春動河上清波帶雪流
共道中原風土勝向來凋疾待君瘳

送王公濟歸省

鶚薦南來勢入雲鷗行東下暫離羣江山別與詩相助
花柳濃將酒共醺親老祇應憐見面子才誰不愛為文
西堂八月清如水坐熱名香待令君

送伍主事符歸省

其父孟賢叅政
予同年進士

畫省郎官著錦衣
綠波晴漾綵帆飛
天池水足鷗仍化
庭竹陰成鳳始歸
魯史法應傳袞鉞
宋科心不在輕肥
題詩為寄同年老
有子如君眼底稀

送劉御史丙奉使歸省

楚山高不礙雲飛
春日偏明繡豸衣
人自烏臺持節下
天教白髮待兒歸
新巢閣鳳還千仞
舊種庭椿過十圍
極目滇南山盡處
平安莫遣報書稀

送屠大理元勲錄刑福建

九寺官高重兩京北來冠蓋且南征清憐解橐留家地
老識登堂拜母情司馬晝遊非銜寵歐陽夜坐本求生
況逢紫鳳銜書日益覆須教仰大明

九橋書屋為京學陳教授作

八壺陰處九橋東水閣山樓面面通栽藥地餘經歲雨
讀書聲遍隔林風聘君名跡江湖外少宰文章感慨中
猶有弦歌遺業在誤疑家塾是黌宮

沈郎中尚倫母壽詩

白髮蕭然林下風
壽筵芳事幾家同
星朝婺女極當北
水繞秣陵江正東
梅籠出林朝雨熟
魚舫入市晚潮通
鳳雛不假青鸞使
自領天書出禁中

送董行人緌奉使交南

紫泥新詔出彤宮
帝遣南乘使者驄
四面樓船通海氣
九霄旌節下天風
仙萼萬葉占堯歷
化日重輝仰舜瞳
聞道奉揚恩澤徧
遠人無地不呼嵩

送茹知縣鑾

百里孤城枕太行縣名元出古陶唐清時政簡仍多稅
甲第才高不愧郎天闕近應沾雨露枳叢低豈礙鸞凰
極知此去非長別一曲離歌意許長

過真武廟懷朱文鳴亡友

淼淼滄波白鷺飛苔痕長滿釣魚磯松陰不改三珠樹
鶴夢還醒一羽衣細數鄰家遺老盡久懷同學故人稀
沿流不覺尋詩遠把酒看花事事違

四月二十二日日講初罷東體齋學士先生

三十年來兩月忙講筵猶飽大官羊聯班左掖天顏近
散直西堂雨氣涼祇謂積誠須感格敢言多暇得徜徉
詞垣老友箴規在未遣茅心一夜荒

送江主事澤之清江因東徐用和太守

淮上分司隔郡城舊遊茲復贈君行官非外補猶差遣
客不頻來少送迎莫倚名題金榜貴直將心付水曹清
多情為問山陽守種得甘棠幾樹成

送袁道士還任南京朝天宮

倪禮部
內黨也

重來京國夢如昨再到冶亭山已秋頗覺烟霞非世外
誤迷花竹是江頭誰將載酒供新帳我有題名紀舊遊
應向青溪老仙客借騎輕鶴下瀛洲

賜枇杷

尚方珍果賜新嘗分得江南百顆黃遠道不妨經月暑
冷枝疑帶隔年霜箋帖罷名初散翠籠開時手亦香
歸領君恩薦家廟不禁清淚滿衣裳

送張以蒙知廬陵

兄裕夫為江西參議

扁舟曾問吉州名二十餘年此送行
山半有田皆地力夜深無巷不書聲
封疆正屬分符寄撫字真勞作縣情
明到大藩叅謁罷不妨風雨話彭城

賜楊梅

官河催載滿船冰十月楊梅入帝京
沁齒不知紅露濕到詩偏助玉堂清
名從傳鼎遥分派價比隋珠亦稱情
再拜文華門外地講筵恩重若為榮

送衍聖公以某還曲阜

岱宗佳氣鬱崔巍
閼闔門高衆所歸
一道仙槎依歲轉
四山靈鳥避林飛
彤墀引罷新呈馬
寶篆沾餘舊賜衣
卻恨星軺常夜發
霜時携酒意多違

愚樂傳公嘗種松數百株
讀書其下有主松書院
在焉為作詩以遺其子若孫

舊時書屋長為主
手種青松間石根
卧擁白雲春下榻
到隨寒月夜開門
風霜閱歷無年歲
樽酒過逢有子孫

聞說大夫封已貴故枝新葉總沾恩

賜藕

祇向名花看畫圖忽驚仙骨在泥塗輕同握雪愁先碎
細比餐冰聽卻無郭北芳菲懷故里江南風味憶西湖
渴塵此夜消應盡未羨金莖與玉壺

送柳拱之憲副之岷州兼東應寧提學宗哲太
守

蜀雨秦雲萬里程賢勞還屬使君行山連舊鎮遙分省

勅換新官尚典兵味少漸知鹽酪美地寒偏覺毳裘輕
殊方卻喜同鄉話不負雞壇下馬盟

林侍郎輓詩

廟堂風采重於山多住江南草木間一代循良須不愧
百年氣運恐相關冰霜節苦天應識亥豕書存手自刪
莫道衣冠無廕澤聖朝恩命果重頒

寄壽菊羅郎中公給事中鑒之父時九十有三
矣

久從仙骨見鯢鮐又報春風壽域開
滿眼兒孫纔一領
遶園松橘是重栽
衣冠解識先朝事
車馬翻無長者來
州里後生曾致祝
十年詩札愧新裁

寄輓金陵陸廷玉

韋布居然古意存
向來城市豈堪論
門多剩地容山水
家有遺書付子孫
遠道風塵違執紼
舊時樓閣記開樽
江空歲晚情無限
卻寄燕歌弔楚魂

于景瞻府尹壽詩

半生夷險路從容晚歲真於萬事慵京尹望高曾薦鶚
省郎官貴早乘龍秋添華髮將詩老春入酡顏映酒濃
湖海祇今耆舊少一人長對兩高峯

次韻匏菴聞王古直至之作

老來不記入京年舊事依稀屈指前身似野僧纔有髮
家如漁叟更無舡祇愁別久今哀矣不覺詩成為蹶然
春夜定知何處宿漫從新市買燈懸

送張兵馬考績還南京

石頭城闕路峇堯南去長千十里遙野樹林疎寒映雪
官河水長暗生潮帆檣數點天空濶鷄犬千家夜寂寥
三載一官初獻績幾人翹首望回輶

呂亞卿天章求詩壽其妹黃宜人時天章以使
歸

誰詠皇華入壽筵故家門閥尚依然扶衰試煮英公粥
念寡新分范氏田拂鏡飛霜秋漸滿開樽華月夜將圓
莫嫌老嫠光芒減曾見騰輝上九天

院中即事

硯水呵墨印開封獨坐高簷落葉中
籌唱有聲催短日
鼙鼓無力禦長風
羸驂向晚還思秣老鶴驚寒欲唳空
遙羨玉堂諸院長酒盃能綠火能紅

予嘗復書於屠都憲朝宗稱之為丹山先生蓋
謂其家四明有此山爾朝宗乃更其舊號以詩
謝予次韻奉答且以兩篆字贈之

弱毫誰道力如杠漫作丹山小篆雙
千歲早占仙是骨

四明休詫石為牕
直須號令驚山嶽
何止才名動浙江
況有烟霄天上曲
楚歌從此不成腔

懷麓堂集卷十七